



Na osnovu člana 5.22 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22 i 51/22) i člana 18. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20) a u vezi Odluke o raspisivanju i održavanju prijevremenih izbora za gradonačelnike Grada Bihaća, Tuzle, Srebrenika i Zvornika i načelnike Opština Bratunac i Vogošća broj: 05-1-07-1-2613-1/22 od 07.12.2022. godine, Centralna izborna komisija Bosne i Hercegovine je na 1. sjednici, održanoj 05.01.2023. godine, donijela je

ODLUKU

o uspostavi Glavnog centra za brojanje i imenovanje direktora i zamjenika direktora Glavnog centra za brojanje za provođenje prijevremenih izbora za gradonačelnike Grada Bihaća, Tuzle, Srebrenika i Zvornika i načelnike Opština Bratunac i Vogošća

Član 1. (Predmet)

(1) Centralna izborna komisija Bosne i Hercegovine (u daljnjem tekstu: Centralna izborna komisija BiH) formira Glavni centar za brojanje za provođenje prijevremenih izbora za gradonačelnike Grada Bihaća, Tuzle, Srebrenika i Zvornika i načelnike Opština Bratunac i Vogošća koji će se održati u nedelju 05.02.2023. godine.

(2) Glavni centar za brojanje uspostavlja se od dana 23.01.2023. godine, a zatvara deset dana od potvrđivanja izbornih rezultata.

(3) Glavnim centrom za brojanje rukovodi direktor i tri zamjenika direktora Glavnog centra za brojanje.

Član 2. (Imenovanje)

(1) Za direktora i zamjenike direktora Glavnog centra za brojanje imenuju se:

- (a) Goran Mišković, direktor,
- (b) Bojan Simović, zamjenik direktora,
- (c) Ermin Kos, zamjenik direktora,
- (d) Adi Agić, zamjenik direktora.

(2) Direktor i zamjenici direktora Glavnog centra za brojanje se imenuju na period od dva (2) mjeseca, počev od januara 2023. godine do zatvaranja Glavnog centra za brojanje i odgovorni su za svoj rad Centralnoj izbornoj komisiji BiH.

Član 3.
(Opis poslova)

(1) U Glavnom centru za brojanje će se obavljati slijedeći poslovi:

- a) Prijem i kontrola biračkog materijala birača koji glasaju putem pošte, sa biračkih mjesta za glasanje u odsustvu, nepotvrđenih-kovertiranih glasačkih listića, mobilnog tima i posebnog mobilnog tima,
- b) Verifikacija prava glasa birača iz tačke a) ovog člana,
- c) Brojanje i unos glasova iz tačke a) ovog člana,
- d) Ponovno brojanje po odluci Centralne izborne komisije BiH i
- e) Drugi poslovi utvrđeni podzakonskim aktima Centralne izborne komisije BiH


(2) Poslovi iz stava (1) ovog člana, obaviti će se u sjedištu Glavnog centra za brojanje u Sarajevu, zgrada Centralne izborne komisije BiH u ulici Danijela Ozme broj 7.

Član 4.
(Stupanje na snagu)

Ova odluka stupa na snagu danom donošenja i objavit će se na internet stranici Centralne izborne komisije BiH, www.izbori.ba.

Broj: 07-2-34-2-2694-2/22

Sarajevo, 05.01.2023. godine

Predsjednik

Dr. Suad Arnautović

